

行修應元寶誥

弟子龍光敬署

丁丑冬至

行修應元寶誥

弟子逸誠薰沐恭署

序言

弟子慈普薰沐恭署

司錄

厚善

纂襄

仰雲

壇監

悟靜

壇掌

龍光

纂掌

得超

司宣

修厚

司錄

得健

歐陽文忠公言

行修應元寶誥。爲千古修行之要訣。萬化應元之妙諦也。慨自
聖王心法無傳。而心性之道理以晦。靈失根本。形尙微末。碌碌
之輩。所經營者。不出衣食二事。孳孳之士。所爭逐者。不外名利
兩途。爲私利故。無往不損人以肥己。爲痴愛故。無時不意蕩而
神馳。爲貪嗔故。無在不欺良以害理。爲鬭爭故。無事不心狠而

計毒戾氣感召。此天災人禍之所以相逼而至也。播因既劣。獲果自非。輪轉弗息。業報奚止。

老人悲天憫人之切。故垂治世載道之文。夫天人原本一貫。聖凡何有二致。天也人也。天人於一炁之中。聖也凡也。聖凡於一靈之內。炁靈所化。無在而非道之源泉也。誠意正心之學。即是超凡入聖之法。惜爲後儒誤解。遂使精一執中之旨。空載於書。

千萬世視之爲具文也。卽間有一二欲紹其傳者。苦不得其門而入。致視聖學如挾山超海。視心傳如登天步月也。歲時愈遙。斯道愈晦。不惟愚者自甘於愚。卽智者亦莫不望洋而興嘆焉。此世運之所以日趨日下。大道之所以愈傳愈離也。天心仁慈。豈容道墜。故不時而有降靈於智者。使其代有傳人。出而爲心性之宣傳。示而爲聖學之講解。以身作則。而繼道統。然其心性

之說。非不彰明於一時。而其心性之功。終未了徹於千古。雖文極一時之盛。而道則遠千里之外也。如是以傳心。心於何有。如是以傳性。性於何存。心性未啓其一中之旨。則莫不習尚於皮毛。以知識之心爲心。氣質之性爲性。愈修心性。而心性了不可得已。蓋天命之性。與氣質之性。自有天淵之別。仁慈之心。與嗜欲之心。自有徑庭之判。修必明其所分。悟其所別。而後下手工

夫當心即得。然先後天判其是非。亦即先後天定其行止也。天命之性。先天之性。仁慈之心。先天之心。玄空也。妙空也。先天之性。虛明也。誠明也。以玄空妙空之心。而養虛明誠明之性。則心性融於一爐。氣炁打成一片。心即是性。性即是心。氣無非是炁。炁亦無非是氣。性心炁氣如是而合。如是而化。然後融天命之性於乾元之金。化仁慈之心於坤元之土。土以生金。

金藏於土。則金與土相聯爲子母。即心與性相合爲體用已。相聯自無所分。相合更無所異。心無時而不聽命於性。性無時不主宰於心。心性合和。大地皆春。更無所執以爲先後天之分。又何有虛實有無之判也。先後天功於其候。後先天候於其功。功候顛之倒之。則心性分之合之。亦無所謂之爲先。又何所謂之爲後也。如是氣質之性。知覺之心。不求其去而自去。天命之性。

仁慈之心。不求其復而自復。得往聖不傳之秘。開來世無窮之
功。拋却一切之僞法。直探三代之心傳。於至濁中取其至清。於
至昏中取其至明。於至精之中取其至粹。精粹畢現於本體。眞
如自存於性天。性天可以長在。靈烝自能永存已。此行修之所
以傳誥以應元者。化度之實功也。以之救世。何代不可以轉危
而爲安。以之修心。何人不可以轉凡而成聖也。是行修得其行

修千古之道。應元成其應。元萬世之法。衆生得度。一切超塵。功
普於天下。法濟於世上。誠所謂度海之慈航。昏衢之寶炬。嬰兒
之乳母。而凶歲之稻粱也。學子本此以爲化。悟斯而挽規。數數
之弭。規規之化。自有見諸當世者。是必宏此心量。納一切於一
心。擴斯慈願。推一心於一切。三千一胞。性無爾我。魂魄之爭。得
以永息。時和世泰。民康物阜。豈不懿歟。豈不休哉。

太歲丁丑年九月初六日

青玄老人自序於慈航濱壇

太微王正甲次日酉六日

誥

敬天 崇聖
尊親 愛衆

弟子道菩薰沐敬署

天賦我之靈故敬

聖教我之道故崇

親生我之身故尊

衆輔我之需故愛

誠

殺奸貪嗜

盜淫妄毒

弟子尋賢薰沐恭署